

# Naagzowaamijigan owi Kitchi Kiing Ogimaakeng



**X**  
*It's Our Vote*

# Beshaagbiigewinng gikinawaadazina`igan



Gagwekwendan agii  
bozibiigewin  
Megwaa endaawin



Kowaabmdan awii  
bagambideg gdo  
**beshaagbiigewin gikenjige  
mazinigaans**



**Naaknigen awii  
bezhaagbiigewin**



Ndakendan yaawiwaad **e-  
taagejig** odi endanakiwin.



**Biidoon yaawiyin  
gikendaagwog** apii  
bezhaagbiigewin



Odi enendaagoziwin waanji  
beshaagbiigewin **owi apii  
bezhaagbiigeng**



Odi enendaagoziwin waanji  
beshaagbiigewin **owi apii  
giizhaa bezhaagbiigeng**



Wegwen agwa iidik  
**Beshaagbiigewinng Kitchi Kiing  
nakiigamig** maampii Genadaa  
(ekwaawiiwang dowendaagodon)



**Mazinigan boosichigaade:**  
gnowaabmdan **elections.ca**  
woshme go go awii gikendaman  
(ekwaawiiwang  
dowendaagodon)

---

Maanda mazinigaans giizhisin nowonj donaa inewinan odi **elections.ca**.  
Nowonj bkaan ezhinaagwog, dibishko gonaa

# Awii Aanji Kitchi Kiing Ogimaakem nangwa biboon

Gagwekwendan agii bozibiigaaziin awii debnad gdo beshaagbiige gikendamowin mazinigaans

Voter Information Card	Carte d'information de l'électeur	Elections Canada	
<b>Federal Election 2019</b>	<b>Élection fédérale 2019</b>	Incorrect name or address? / Nom ou adresse incorrects? Check your registration at elections.ca. / Vérifiez votre inscription à elections.ca	
<b>To vote, you must:</b> <ul style="list-style-type: none"><li>• be a Canadian citizen</li><li>• be at least 18 years old on election day</li><li>• prove your identity and address</li></ul> <p>Visit <a href="http://elections.ca">elections.ca</a> to know what ID is accepted.</p> <p>Bring this card with you, along with ID, to make the voting process easier.</p>	<b>Pour voter, vous devez :</b> <ul style="list-style-type: none"><li>• être citoyen canadien</li><li>• avoir au moins 18 ans le jour de l'élection</li><li>• prouver votre identité et votre adresse</li></ul> <p>Visitez <a href="http://elections.ca">elections.ca</a> pour connaître les pièces d'identité acceptées.</p> <p>Apportez cette carte et vos pièces d'identité pour faciliter le vote.</p>	To the Elector : DOE, JOHN 123 MAIN STREET ANYTOWN ON K1A 5T7	
<p>It's Our Vote / C'est notre vote</p> <p><a href="http://elections.ca">elections.ca</a></p>		À l'électeur : DOE, JOHN 123, RUE MAIN ANYTOWN ON K1A 5T7	
		CANADA POSTES / POST CANADA 3122778	

**Giishpin bozibiigaaziin**, aga debnaa gdo beshaagbiigewin mazinigaans mazinigan apangjidibeg shkwaa waawinjigaadeg apii owaa ogimaakeng. Aga wiindamaagon waanji miinwaa apii owaa beshaagbiigewin. Biish maaba mazinigaans, miinwaa gdo debwe aawiyin mazinigaansan, owi apii awi beshaagbiigewin woshme awii wenpanag owi beshaagbiigewin dodamowin.

**Giishpin bwaa debnad mazinigaans maage maazhii-iimgag gikendamowin**, gnimaa gaawii gdaa bozibiigaazisii Maage gdo beshaagbiigewin gikendamowin yaawiyin gnimaa adaa getewiiwan. Gnowaabmdan **elections.ca** maage abi giigidan odi **1-800-463-6868** awii ndakendaman gdo bozigebiigewin. Gdaa bozibiige apii zhaawin awii beshaagbiigewin.

**Awii bozibiigewin miinwaa beshaagbiigewin kitchi kiing ogimaakeng, aabdeg gwii:**

- Gwii'aaw Genadaa debendaagozid
- Midaasiwi shi niishwaasiwi agwii piitis apii gimaake giizhigag
- Waamdowewin yaawiyin miinwaa endaawin

# Nikiiyaa ezhi beshaagbiigewinng

**Gdaa beshaagbiige maanji agwa pii epiichi temgag owi ogimaakeng.**

Wenaamdan owi nikiiyaa waazhi beshaagbiigewin memaanii minwaabmdaman.

## 1 Owi apii giizhigag ogimaakeng

Gdo waawinjigaade awaa nji beshaagbiigewin ada nsaaksin midaaswi shi niisho dibagiisiwan (dibi-igan nowonj aawinon kiinsing).

## 2 Giizhaa beshaagbiige giizhigadon

Gdo waawinjigaade awaa nji beshaagbiigewin ada nisaaksin zhaangaso dibaganeg gishep apiinish zhaangaso dibaganeg naagshig, Jiibaato giizhigag, Maanii giizhigag, Name Giizhigag miinwaa Shkwaa Name Giizhigag ningo namegiizhigag jibwaa aawang Ogimaake giizhigag.

## 3 Dibi gwa iidik Ogimaake Genadaa nakiigamig kina zhinda Genadaa

Dibi gwa iidik gdaa zhaa Ogimaake Genadaa nakiigamig jibwaa Niish Giishgag jibwaa ogimaake giizhigag jibwaa ngodwaaso dibaagineg shkwaa naakweg. Agaa beshaagbiigewin nikaaziyin owi e'bezhigong beshaagbiigewin mazinigan nikaazang. Shkwaa waawinjigaadeg ogimaakeng, gnowaabmdan elections.ca maage giigidan odi nakiigamgon memaanji besha etemgak.

## 4 Maziniginan e-pangajibideg

Gnowaabmdan **elections.ca** maage abi giigidan woshme gego awii gikendaman. Ekwaaseg naagjigaadenon.


Ndakenim gdo **abeshaagbiigewin** gikendamowin **mazinigaans** owi apii giizhigad, dibi-iidik miinwaa epiichaag.

# YAAWIYIN mazinigan awii beshaagbiigewin

Nisiwi gdaa aanan wenaamjiganan awii waabmdowewin yaawiyin miinwaa endaawin.

## Wenaamjigan

1



### Waabmdowen bezhig ninda e'waabmdowemgag yaawiyin

- Gdo bamibzochige mazinigan
- Bkaan dnowaa mazinigan maagwed Genadaa gimaa gamig (kitchi kiing, kiinsing/waasawekamig maage endanakiwin) gamizinaazgan, gdo inoziwin miinwaa megwa endaawin temgag

### Maage

## Wenaamjigan

2



### Waabmdowen niish maziniginan yaawiyin

Neniish agwa aabdek gdo inoziwin miinwaa gnigen agwa bezhig ada zhibiigaade megwaa endaawin.

+



### Dibishko gonaa:

- beshaagbiige gikendamowin mazinigaans miinwaa zhoonyaa gamig zhibiigan
- aabijichigewin mazinige mazinigaans miinwaa e'skoonwid aawid mazinigaans

### Gaawiin gda aanziinan ninda? Gaawii agwa gego!

Yaa-aabi agwa tenoon mazinigan e-waabmdowemgag YAAWIYIN e-daapnigaadeg. Ndakendan owi kina e'zhibiigaadeg odi [elections.ca](https://elections.ca)

### Maage

## Wenaamjigan

3



### Giishpin bwaa yaaman YAAWIYIN mazinigan

Gdaa beshaagbiige agwa giishpin dibaajimawin yaawiyin miinwaa endaawin zhibiigewin miinwaa gwaya enkiid enji bezhaagbiigeng awii debwechiged ayaawiyin.

+



Owa e'debwechiged aabdeg ada debwe yaawid miinwaa endaad. Owa bemaadzid bezhig goweta adaa debwechige bemaadzinjin (gaawii wiigwa gnesh gnowenjige gamgon dagosizino).



**Kina e'bezhaakbiigejig nagmigaazwog enji bezhaakbiigeng apii ogimaakeng miinwaa giizhaa beshaagbiigeng giishigadon.** Shkwaa waawinjigaadeg ogimaakeng, gagwekwendan agaa nagmigowin awii beshaagbiigewin aawan age nakwezhkang meneziyin maanda nikiiyaa:

- Ndakendan gdo beshaagbiigewin gikenjige mazinigaans:
- Zhibii-an gdo odena gindaasiwin zhiwe E'beshaagbiiged Gikenjigewin makakoons odi elections.ca; maage
- Abi giigidan odi **1-800-463-6868 maage 1-800-361-8935 (TTY).**

Giishpin znagendamowin yaaman owi gshkiweziwin gdo nagmigaadeg waanji beshaagbiigwin, abi giigidan.

Awii gagwedwewin naadmaagewin giizhaa, e'dagosing iniwewin miinwaa mazinigeng dibaajimowin aankanosijigen, giigidan Beshaagbiige Genadaa nakii gamig odi endanakiwin jibwaa Niish Giizhigag jibwaa ogimaake giizhigag jibwaa ngodwaaso dibagneg shkwaanaakwek.

## Beshaagbiigeng naadmaage nikaaziwinan miinwaa nankiiwin ogimaake giizhigag:

**Woshme mechaag  
beshaagbiigewin  
mazinigan temgag  
e'taagejig  
zhibiigaazwaad  
Magibiigaadeg**




**Megnigesijiganan (4x)**

**Magibiigan  
Miinwaa ombisin  
zhibiiganan  
Gewe e'taagejig**



**Gichi-majignigan  
zhibiiginaatig**

**Daanginigaadeg  
miinwaa ombisin  
zhibiigan  
beshaagbiigewin  
gikinawaabanjigan**



**beshaagbiigewin  
naadmaadwin  
Gdo beshaagbiigewin  
mazinigan**

